

24 января. Попразднство Богоявления.

Преподобный Феодосий Великий

Великая Вечерня (приходская)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Амѣнь.

Приидѣте, поклонѣмся Царѣви нашему Бѣгу.

Приидѣте, поклонѣмся и припадѣм Христу Царѣви нашему Бѣгу.

Приидѣте, поклонѣмся и припадѣм Самому Христу, Царѣви и Бѣгу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповѣдание и в велелепоту облелся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаая облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды каменія дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающи, восхитити и взискати от Бога пищу себе. Возсия солнце и обратася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают,

зми́й сей, е́гоже созда́л еси руга́тися е́му. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им со́беру́т, отве́рзшу Тебе́ ру́ку вся́ческая испо́лнятся бла́гости, отве́рзшу же Тебе́ лице́, возме́ются, отъи́меши дух их, и исче́знут, и в персть свою́ возвратя́тся. По́слеши Ду́ха Твоего́, и сози́ждутся, и обнови́ши лице́ земли́. Буди́ сла́ва Госпо́дня во ве́ки, возвесели́тся Госпо́дь о де́лах Свои́х, призира́яй на зе́млю, и творя́й ю́ трясти́ся, прикаса́яйся гора́м, и дымя́тся. Воспою́ Го́сподеви в животе́ моём, пою́ Бо́гу моему́, до́ндеже есмь, да услади́тся Е́му бесе́да моя́, аз же возвесели́юся о Го́споде. Да исче́знут грѣшницы́ от земли́, и беззако́нницы, я́коже не бы́ти им. Благослови́, душе́ моя́, Го́спода.

Со́лнце позна́ запа́д свой. Положи́л еси́ тму, и бысть но́щь. Я́ко возвели́чишася дела́ Твоя́, Го́споди, вся премудро́стию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же *(Трижды)*.

Ектения великая

Диакон: Ми́ром Го́споду помо́лимся.

Лик: Го́споди, поми́луй *(на каждое прошение)*.

Диакон: О свѣшнем ми́ре и спасѣнии душ на́ших, Го́споду помо́лимся *и прошения по чину*.

Диакон: Пресвяту́ю, Пречи́стую, Преблагословѣнную, Сла́вную Владѣчицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Хри́сту Бо́гу преда́дим.

Лик: Тебе́, Го́споди.

Священник: Я́ко подоба́ет Тебе́ вся́кая сла́ва, честь и поклонѣние, Отцу́, и Сы́ну, и Свято́му Ду́ху, ны́не и прѣсно, и во ве́ки веко́в.

Лик: Ами́нь.

Кафизма 1

Лик: Блаже́н му́ж, и́же не и́де на сове́т нечестѣвых.

Я́ко ве́сть Госпо́дь пу́ть пра́ведных, и пу́ть нечестѣвых поги́бнет./ Аллилу́иа, аллилу́иа, аллилу́иа, сла́ва Тебе́ Бо́же.

Работайте Господеви со страхом, и радуйтесь Ему со трепетом./ Аллилуиа, аллилуиа, аллилуиа, слава Тебе Боже.

Блажени вси надеющиеся Нань. Воскресни, Господи, спаси мя, Боже мой./ Аллилуиа, аллилуиа, аллилуиа, слава Тебе Боже.

Господне есть спасение, и на людех Твоих благословение Твое./ Аллилуиа, аллилуиа, аллилуиа, слава Тебе Боже.

Слава Отцу и Сыну и Святому Духу, и ныне и присно, и во веки веков./ Амнь. Аллилуиа, аллилуиа, аллилуиа, слава Тебе Боже.

Аллилуиа, аллилуиа, аллилуиа, слава Тебе Боже. (Трижды)

Ектения малая

Диакон: Паки и паки, миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувше, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Твоя держава, и Твое есть царство, и сила, и слава, Отца и Сына и Святаго Духа, ныне, и присно, и во веки веков.

Лик: Амнь.

Стихиры на «Господи, воззвах»

Канонарх: Глас 8, Гóсподи, воззва́х к Тебе́, услы́ши мя.

Гóсподи, воззва́х к Тебе́, услы́ши мя./ Услы́ши мя, Гóсподи. Гóсподи, воззва́х к Тебе́, услы́ши мя:/ вонми́ гласу моления моего́, / внемди́ воззвати́ ми к Тебе́.// Услы́ши мя, Гóсподи.

Да исправи́тся моли́тва моя́,/ я́ко кади́ло пред Тобо́ю,/ воздея́ние руку́ моёю/ – жéртва вечерняя.// Услы́ши мя, Гóсподи.

прп. Феодо́сия Великаго, общих житий начальника на 6, глас 5.

На 6, стих: А́ще беззако́ния на́зриши, Гóсподи, Гóсподи, кто постои́т? / Я́ко у Тебе́ очище́ние есть.

Преподо́бне о́тче Богоно́се Феодо́сие,/ вельми́ подвижа́лся еси́ в привре́менной жи́зни,/ в пéниих и поще́ниях и бде́ниях,/ о́браз быв твоим ученико́м;/ ны́не же лику́еши со Безтелéсными,/ Христа́ непреста́нно славосло́вя,/ от Бо́га Бо́га Сло́ва и Изба́вителя,/ подкло́ньшаго главу́ Предте́чи, и освяти́вшаго естество́ водно́е./ Того́ моли́, Тому́ помолі́ся, преподо́бне,/ дарова́ти Це́ркви единомы́слие,// мир и ве́лию ми́лость.

Стих: И́мене ра́ди Твоего́ потерпéх Тя, Гóсподи, потерпé душа́ моя́ в сло́во Твое́ /

упова́ душа́ моя́ на Гóспода.

Преподо́бне о́тче Богоно́се Феодо́сие,/ вельми́ подвижа́лся еси́ в привре́менной жи́зни,/ в пéниих и поще́ниях и бде́ниях,/ о́браз быв твоим ученико́м;/ ны́не же лику́еши со Безтелéсными,/ Христа́ непреста́нно славосло́вя,/ от Бо́га Бо́га Сло́ва и Изба́вителя,/ подкло́ньшаго главу́ Предте́чи, и освяти́вшаго естество́ водно́е./ Того́ моли́,

Тому помоліся, преподобне,/ даровати Цёркви единомыслие,// мир и велию милость.

На 4, стих: От стражи утренняя до нощи, от стражи утренняя, / да уповает Израиль на Господа.

Преподобне отче Богоносе Феодосие,/ обрети, якоже желаше,/ чистую твою душу,/ Духа благодать Всесвятаго в ты вселися,/ яко Пречистый Свет,/ Егоже действием светло украшен,/ Христа непрестанно славословиши,/ во двою существу Единого Сына,/ крещаемого рукою Предтечевою, и свидетельствована гласом Отчим./ Того моли, Тому помоліся, преподобне,/ даровати вселенней единомыслие,// мир и велию милость.

свт. Филиппа, митрополита Московскаго и всея Руси на 3, Глас 5

Стих: Яко у Господа милость, и многое у Него избавление, и Той избавит Израиля от всех беззаконий его.

Преподобне отче Богоносе Феодосие,/ обрети, якоже желаше,/ чистую твою душу,/ Духа благодать Всесвятаго в ты вселися,/ яко Пречистый Свет,/ Егоже действием светло украшен,/ Христа непрестанно славословиши,/ во двою существу Единого Сына,/ крещаемого рукою Предтечевою, и свидетельствована гласом Отчим./ Того моли, Тому помоліся, преподобне,/ даровати вселенней единомыслие,// мир и велию милость.

На 2, стих: Хвалите Господа вси языцы, / похвалите Его вси людие.

Преподобне отче Богоносе Феодосие,/ лепотно сподобился еси блаженныя жизни,/ чистотою и постом сию обрет,/ жив бо, преставился еси к Горней жизни,/

всем ра́доватися рек/ и со Безплóтными Христа́ непре-
ста́нно славослóвля,/ от Дéвы несказáнно плоть приéмша-
го,/ и потóпльша на́ша грехи́ Крещéнием в струя́х Иорда́н-
ских./ Того́ моли́, Тому́ помолі́ся, свя́те,/ дарова́ти все-
ле́нней единомы́слие,// мир и ве́лию ми́лость.

Стіх: Яко утверди́ся ми́лость Его́ на нас, /

и істина Господня́ пребыва́ет во ве́к.

Преподо́бне о́тче Богоно́се Феодо́сие,/ ле́потно
сподо́бился еси́ блаже́нныя жи́зни,/ чистото́ю и постом
сию́ обрёт,/ жив бо, престáвился еси́ к Го́рней жи́зни,/
всем ра́доватися рек/ и со Безплóтными Христа́ непре-
ста́нно славослóвля,/ от Дéвы несказáнно плоть приéмша-
го,/ и потóпльша на́ша грехи́ Крещéнием в струя́х Иорда́н-
ских./ Того́ моли́, Тому́ помолі́ся, свя́те,/ дарова́ти все-
ле́нней единомы́слие,// мир и ве́лию ми́лость.

Слава , глас 2.

Сла́ва Отцу́, и Сы́ну, и Свято́му Ду́ху.

Преподо́бне о́тче,/ я́ко гра́д жива́го Бо́га,/ возвесели́ша
свяще́нную твою́ ду́шу рéчная стремле́ния,/ воды́
оставле́ния прошéдшаго Иорда́н/ и всем концéм благо-
честия́ сло́во источи́вшаго Христа́ Бо́га на́шего,/ Его́же
моли́, всеблаже́нне Феодо́сие,// спасти́ся душа́м на́шим.

И ныне, глас 7:

И ны́не, и прісно, и во ве́ки веко́в. Ами́нь.

Ма́ти у́бо позна́лася еси́, / па́че естества́, Богороди́це, /
пребыла́ же еси́ Дéва, / па́че сло́ва и ра́зума, / и чудесе́
Рождества́ Твоего́ сказа́ти язы́к не мо́жет. / Пресла́вну бо

сущу зачатію, Чистая, / непостижен есть образ рождения,
/ идеже бо хощет Бог, побеждается естества чин. / Темже,
Тя вси Матерь Божию вѣдуще, / молим ти ся прилежно: //
моли спастися душам нашим.

Вечерняя песнь Сыну Божию

Свете Тихий святѣя славы, / Безсмертнаго, Отца Небесна-
го, / Святаго Блаженнаго, Иисусе Христѣ. / Пришедше на
запад солнца, / видевше свет вечерний, / поем Отца, Сына
и Святаго Духа, Бога. / Достойн еси во вся времена / пет
быти гласы преподобными, / Сыне Божий, живот дай, //
темже мир Тя славит.

Диакон: Вонмем.

Священник: Мир всем.

Лик: И духови твоему.

Прокимен

В пяток вечера, глас 7:

Диакон: Премудрость. Вонмем. Прокимен, глас 7.

Бже, заступник мой еси Ты, / и милость Твоя предварит мя.

Лик: Бже, заступник мой еси Ты, / и милость Твоя пред-
варит мя.

Диакон: Изми мя от враг моих, Бже, и от востающих на мя избави мя.

Лик: Бже, заступник мой еси Ты, / и милость Твоя пред-
варит мя.

Диакон: Бже, заступник мой еси Ты

Лик: И милость Твоя предварит мя.

В пятницу вечера. Глас 7



Бо - же, За - ступ - ник мой е - си Ты, и ми - лость Тво - я пред - ва - рит мя.

Чтение паремий

Диакон: Премудрость.

Чтец: Премудрости Соломо́ни чтéние

Диакон: Вонмем.

Чтец: Пра́ведницы во ве́ки живу́т, и в Го́споде мзда их,/ и попече́ние их у Вы́шняго./ Сего́ ра́ди прииму́т ца́рствие благоле́пия/ и вене́ц добро́ты от руки́ Господни/ зане́ десни́цею покрýет я́ и мы́шцею защити́т их./ При́мет всеору́жие рв́ение свое́/ и воору́жит тварь в месть враго́м./ Облече́тся в броня́ пра́вды/ и возложи́т шлем суд нелицеме́рен./ При́мет щит непобеди́мый преподо́бне,/ поостри́т же напрáсный гнев во ору́жие,/ спобо́рет же с ним мир на безу́мныя./ По́йдут праволу́чныя стрéлы мо́лниины/ и, я́ко от благокру́гла лу́ка облако́в, на наме́рение по́летят,/ и от каменомéтныя я́рости испо́льн паду́т гра́ды./ Вознегоду́ет на них вода́ морская́,/ ре́ки же потопя́т я́ на́гло./ Сопроти́в ста́нет им дух си́лы/ и, я́ко ви́хор, разве́ет их,/ и опустоши́т всю зéмлю беззако́ние,/ и злоде́йство преврати́т престóлы си́льных./ Слы́шите у́бо, ца́рие, и разумейте́,/ навы́кните, судий конце́в земли́./ Внуши́те, держа́щи мно́жества/ и гордя́щиеся о наро́дах язы́к,/ я́ко данá есть от Го́спода держа́ва вам/ и си́ла от Вы́шняго.

Диакон: Премудрость.

Чтец: Премудрости Соломо́новы чтéние

Диакон: Вонмем.

Чтец: Пра́ведных ду́ши в руце́ Бо́жией,/ и не прико́снется их му́ка./ Непщевáни бы́ша во очесе́х безу́мных умре́ти,/ и вмени́ся озлобле́ние исхо́д их,/ и е́же от нас ше́ствие – сокруше́ние,/ о́ни же суть в ми́ре./ И́бо пред лицéм челове́ческим а́ще и му́ку при́мут,/ упова́ние их безсме́ртия испо́лнено./ И вма́ле нака́заны бы́вшие, вели́кими благоде́тельствоми бу́дут,/ я́ко Бог искуси́ я́ и обрете́ их досто́йны Себе́./ Я́ко зláто в горни́ле, искуси́ их/ и, я́ко всепло́дие же́ртвенное, прият я́./ И во вре́мя посеще́ния их возсия́ют/ и, я́ко й́скры по сте́блию, потеку́т./ Су́дит язы́ком и облада́ют людьми́,/ и воцари́тся Госпо́дь в них во ве́ки./ Наде́ющиеся Нань разуме́ют й́стину/ и ве́рнии в любви́ пребу́дут ему́/

яко благодать и милость в преподобных Егѡ/ и посещение во избранных Егѡ.

Диакон: Премудрость.

Чтец: Премудрости Соломоновы чтение

Диакон: Вѡнмем.

Чтец: Праведник, аще постигнет скончатися, в покои будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости житие нескверное./ Благоугоден Богов и быв, возлюблен бысть/ и живый посреде грешных преставлен бысть./ Восхищен бысть, да не злоба изменит разума егѡ/ или леть прельстит душу егѡ./ Рачение бо злобы помрачает добрая/ и парение похоти пременяет ум незлобив./ Скончався в мале, исполни лета долга,/ угодна бо бе Господеви душа егѡ,/ сего ради потщася от среды лукавствия./ Люди же видевше и не разумевше,/ ниже положше в помышлении таковое,/ яко благодать и милость в преподобных Егѡ/ и посещение во избранных Егѡ.

Сугубая ектения

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды). (на каждое прошение)*

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Молитва при наступлении вечера

Лик: Сподоби, Господи, в вечер сей без греха сохранитися нам./ Благословен еси, Господи Боже отец наших,/ и хвально и прославлено имя Твое во веки, аминь./

Буди, Господи, милость Твоя на нас, якоже уповахом на Тя./ Благословен еси, Господи, научи мя оправданием Твоим./ Благословен еси, Владыко, вразуми мя оправ-

данием Твоим./ Благословен еси, Святый, просвети мя оправдании Твоими./

Господи, милость Твоя во век, дел руку Твоею не презри./ Тебе подобает хвала. Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков. Аминь.

Ектения просительная

Диакон: Исполним вечернюю молитву нашу Господеви.

Лик: Господи, помилуй. *(на каждое прошение)*

Диакон: Вечера всего совершенна, свята, мирна и безгрешна у Господа просим.

Лик: Подай, Господи. *(на каждое прошение)*

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Аминь.

Стихиры на стиховне

попразднства Богоявления на 3

Канонарх: Глас 4, Видел еси, како обложихся твоим образом.

Видел еси, како обложихся твоим образом,/ егоже создах,/ паче ума смирився,— Господь рече,— что убо странно, друже,/ аще и подклоняюся деснице твоей,/ якоже

едін от твоїх клеврѣт,/ и одеваюся, обнажен, водами?/
Обнаженные бо хочу одѣяти, яко Благоутробен,// в не-
тление вечное.

Стих: Море виде и побеже, /

от земли Иордански и Ермонийски.

Явися воплощаемь,/ но утроба Тя прият,/ неопальна пре-
бывши,/ пещь бо издалеча сию образует,/ не опаливша
отроков./ Аз же, сено сый,/ на Огнь како положу длань,
Владыко?/ Егоже трепещут Небесная и земная вся,/ Иису-
се Всесильне,// Спасе душ наших.

Стих: Что ти есть, море, яко побегло еси? /

видеша Тя воды и убояшася.

Ты Мя в водах Иорданских омый,/ скверны отнюд не
имуща,- Господь рече,-/ и оскверненное естество чело-
веческое/ преступлением Адама,/ омывшеся, ново будет./
Мне бо крещаему,/ обновление всем человеком// водою и
Духом бывает.

Слава, глас 8:

Слава Отцу, и Сыну, и Святому Духу

Монахов множества,/ наставника ты почитаем, отче наш
Феодосие:/ твоєю бо стезею воистинну право ходити по-
знахом./ Блажен еси Христу работав,/ и вражью обличил
еси силу,/ Ангелов собеседниче, преподобных сопри-
частниче и праведных,/ с нимиже молися Господеви// по-
миловатися душам нашим.

И ныне, глас 8:

и ныне, и присно, и во веки веков. Аминь.

А́нгельская во́инства ужасо́шася о Вѣдимем,/ днѣсь во Иорда́не на́гу стоя́щу Ти, Спа́се, в вода́х/ и пречи́стый верх Твой прекло́ншу/ крестѣ́тися от Ио́анна./ Тебе бо, обнища́вшу во́лею, мир обогати́ся:// Го́споди, сла́ва Тебе́.

Молитва святого Симеона Богоприимца

Лик: Ны́не отпу́щаеши раба́ Твоего́, Влады́ко,/ по глаго́лу Твоему́ с ми́ром:/ я́ко вѣдеста о́чи мои́ спасѣ́ние Твое́,/ е́же еси́ угото́вал пред лице́м всех люде́й,/ свет во открово́ение язы́ков,// и сла́ву люде́й Твои́х Изра́иля.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас (*трижды*).

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззаконя́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй (*трижды*).

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

О́тче наш, И́же еси́ на Небесе́х! Да святѣ́тся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прѣсно, и во ве́ки веко́в.

Лик: Ами́нь.

Тропари

Тропарь прп. Феодо́сия Великаго, общих житий начальника, глас 8:

Слез твои́х течены́ми пусты́ни беспло́дное возде́лал еси́,/ и и́же из глубины́ въздыха́ньми во сто трудо́в у плодоно-

си́л еси́,/ и был еси́ свети́льник вселénней, сия́я чудесы́,
Феодо́сие о́тче наш,// моли́ Христа́ Бога, спасти́ся душа́м
на́шим.

Сла́ва Отцу́, и Сы́ну, и Свято́му Ду́ху, и ны́не, и прісно, и
во ве́ки веко́в. Ами́нь.

Тропа́рь Богоявле́ния, глас 1

Во Иорда́не крещáющуся Тебе́, Го́споди,/ Трoйческое яви́-
ся поклонéние:/ Роді́телей бо глас свидéтельствоваше
Тебе́,/ возлю́бленнаго Тя Сына имену́я,/ и Дух в ви́де го-
луби́не,/ извéствоваше словесé утверждéние./ Явлéйся
Христé Бо́же// и мир просвещéй, сла́ва Тебе́.

Диакон: Премудрость.

Лик: Благослові.

Священник: Сый благословéн Христóс Бог наш, всегда́, ны́не и прісно и во
ве́ки веко́в.

Лик: Ами́нь. Утверди́, Бо́же,/ святу́ю правосла́вную ве́ру,
правосла́вных христиáн/ во век ве́ка.

Священник: Пресвятáя Богородице, спаси́ нас.

Лик: Честнѣйшую Херувім и сла́внейшую без сравнѣния
Серафім, без ислѣния Бо́га Сло́ва ро́ждшую, сущую Бо-
городицу Тя велича́ем.

Священник: Сла́ва Тебе́, Христé Бо́же, упováние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прісно
и во ве́ки веко́в. Ами́нь. Го́споди, помілуй (*трижды*).
Благослові. (илиВлыдыко, благослови)

Священник глаголет Отпуст

24 января. Попраз. Богоявления. Преп. Феодосий Великий

Иже во Иорда́не кресті́тся изво́ливый от Ио́анна, на́шего ра́ди спасе́ния, Христос И́стинный Бог наш, моли́твами Пречи́стыя Своея́ Ма́тере, прп. Феодосі́я Великаго, общих житі́й начальника, и всех святы́х, поми́лует и спасе́т нас, я́ко Благ и Человеколю́бец.

Многолетие

Лик: Вели́каго господі́на и отца́ на́шего Кири́лла, / Святѣ́йшаго Патриа́рха Москóвскаго и всея́ Рýси, / богохрані́мую страну́ на́шу Россі́йскую, / настоя́теля, бра́тию и прихо́жан свята́го хра́ма сегó, / и вся правосла́вныя христиа́ны, / Го́споди, сохрани́ их на мно́гая лѣта.